

Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Rigsmyndighed-mut saaffiginnissasut, qamuterallannut ingerlatsisinnaanermut 16-nik ukioqarsimanissamut inissinneqarnissaanik.

Inatsisartunut ilaasortaq Jens-Frederik Nielsen, Demokraatit.

pillugu

Sanaartornermut Ataatsimiititaliap

Siunnersuutip aappassaaneerpeqarneranut

ISUMALIUTISSIISSUTAA

Sanaartornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Siverth K. Heilmann, Atassut, siulittaasup tullia

Inatsisartunut ilaasortaq Mariane Paviasen, Inuit Ataqtigiit

Inatsisartunut ilaasortaq Anders Olsen, Siumut

Inatsisartunut ilaasortaq Jens Kristian Therkelsen, Siumut

Inatsisartunut ilaasortaq Agathe Fontain, Inuit Ataqtigiit, sinniissutut

Ulloq 5. Maj 2022 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Aqqusinikkut angallannermut, qamuterallannik ingerlatsisinnaanissamut ukiunut piunasaqaat 18-niit 16-nut ukioqalersimanissamut appartinneqarnissaanut inatsi allanngortinnissaa pillugu Rigsmyndighed-mut saaffiginninnissaanik Naalakkersuisut peqquneqassasut siunnersuutigineqarpoq.

Siunnersuutip Inatsisartuni siullermeerlugu suliarineqarnera

Siunnersuutip siullermeerlugu suliarineqarnerani tigulluarneqarpoq. Illoqarfiilli nunaqarfiillu angissutsimikkut assigiinngissuteqarujussuarnerat eqqarsaatigalugu qassinik

ukioqalersimanermut tunngatillugu, qamuteralaat sunngiffimmi, angallannermi inuussutissarsiorlunilu angallatitut atorneqartarmata naammaginaratumik inissiisoqarsinnaanersoq apeqquserneqarpoq. Naalackersuisunit akissuteqaateqarnerminnut atatillugu tulliuttut allannguutissatut siunnersuutigineqarput:

” Qamuteralannik ingerlatsisinnaanissamut ukiunut piunasaqaatip allanngortinnissaa pillugu apeqqutip, aqqusinertigut angallannermit suliaassarfimmi ajornartorsiutit pillugit suleqatigiissitaliap suliaqarnerani ilannguteqqullugu, Naalackersuisut peqquneqarnissaat pillugu Inatsisartut aalajangiiffigisassaattut siunnersuut ”

Ataatsimiititaliap siunnersuummik suliarinninnera

Naalackersuisut allannguutissatut siunnersuutaanut qamuteralannut ATV-nullu ingerlatsisinnaanermut maleruagassanik suliaqartussanik atorfilittanik suleqatigiissitaliamik pilersitsisoqareersoq qamuteralannillu ingerlatsisinnaanissamut allagartaqarnermut qassinik ukioqalereersimanissamut apeqqut suliaqartussat nalilersugaannut ilaasut Naalackersuisunit ilisimatitsissutigineqartoq ataatsimiititaliamit maluginiarneqarpoq. Suliaq annertuumik pingaartinneqartoq Naalackersuisunit ilisimatitsissutigineqarpoq. Suleqatigiissitalialli suliaat qaqugu naammassinissaa naatsorsuutigineqarnersoq allannguutissatut siunnersuummi allaqqanngilaq.

Kingusinnerpaamik ukiakkut 2023-mut suleqatigiissitaliap suliaminik naammassinereersimanissaa Naalackersuisunit qulakkeerneqassasoq ataatsimiititaliamit napertuutsinneqarpoq, siuliinimi taaneqartut eqqarsaatigalugit, Inatsisit allanngortinneqarnissaa Rigsmyndighedimit suliarineqartussaammat.

Danmarkimi 16-inik ukioqaraanni knallertsinik ingerlatsisinnaanissaq periarfissaasoq siunnersuuteqartumit innersuussutigineqarpoq.

Danmarkimi knallertinik ingerlatsisinnaanissamut allagartaqarnissaq, ikiueqqaarnissamut pikkorissarsimanissaq, nalunaaquttap akunnerini 30-ni atuartinneqarsimanissaq kiisalu ingerlatsinissamut atuagarsorluni ingerlatsillunilu misilitsinnermi angusisimanissaq piunasaqaataasoq Naalackersuisut akissuteqaateqarnerminni oqaatigaat.

Kalaallit Nunaannili qamuteralannik, nalunaaquttap akunneranut 100 kilometerit sinnerlugit ingerlasinnaasunik, ingerlatsisinnaanissamut allagartaqarnissaq piunasaqaataanngitsoq Naalackersuisunit maluginiarneqarpoq.

Ullumikkut qamuteralaat sukkassutsimikkut 30 km/t-it sinningaatsiarlugit ingerlasinnaaneri eqqarsaatigigaanni, aqqusinertigut *angallannermi isumannaallisaaneq eqqarsaatigalugu* qamuteralaat motorcykelimut biilinnuunniit assersuunneqarsinnaapput. Qamuteralaat sananeqarnerini oqimaassutsimikkut sukkanerpaaffissamiknullu assigiinngitsorujussuusarneri ataatsimiititaliamit maluginiarneqarpoq. Qamuteralaat ilusilerneqarnermikkut

piginnaassusiisigullu annertuumik assigiinngittarneri eqqarsaatigalugit maannakkut malittarisassanik nalilersuineri ilanngullugit tamakkua nalilersorneqarnissaat tamanna tunngavigalugu ataatsimiititaliamit Naalackersuisunut kaammattuutigineqassaaq.

Qamuteralaat aalisarnermik, piniarnermik nunalerinermillu inuussutissarsiuteqarnermi annertunerusumik atorneqarsinnaanissaannut periarfissaliinissaq eqqarsaatigalugu malittarisassat nalilersorneqartariaqartut ataatsimiititaliaq isumaqarportaaq. Takornariaqarnermi suliaqartut “meeqqanullu qamuteralaat” immikkut ittumik akuersissuteqarfigineqarnissaat periarfissiuunneqartariaqartut ataatsimiititaliamittaaq kaammattuutigineqarpoq. Qassinik ukioqalersimanissamut malittarisassat aqqusinikkullu angallannermi isumannaallisaaneq immikkoortillugit nalilersuisoqarsinnaanngitsoq, ukiunillu appaasoqarnissaanut inatsisitigut killissarititaasunik allatulli naliliiffigineqartariaqartut assigalugit naliliisoqartariaqartoq ataatsimiititaliaq isumaqarpoq.

Tamanna tunngavigalugu ataatsimiititaliamit inassutigineqarpoq

- *Suleqatigiissitami qassinik ukioqarnissamik piumasagaammut apeqqu Naalackersuisunit pingaartillugu nangingneqassasoq,*
- *Naalackersuisut sulinermini ataatsimiititaliap nalilersuineri ingerlateqqissaagaa aamma*
- *Kingusinnerpaamik ukiakkut 2023-mi ataatsimiinnissamut angallannermut inatsimmik allannguinissamut siunnersuutip ilalernerqarnerata akuersissutigineqarnissaa saqqummiunneqassasoq*

Ataatsimiititaliap inassuteqaataa:

Naalackersuisunit allanngutissatut siunnersuutigineqartoq **ataatsimiititaliamit isumaqatigiittumit akuersissutigineqarnissaa inassutigineqarpoq**


Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassannngortippaa.




Siverth K. Heilmann
Siulittaasup tullia




Mariane Paviasen



Anders Olsen



Jens Kristian Therkelsen



Agathe Fontain